

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**GRAD ZENICA**  
**Sektor za javna preduzeća i javne ustanove**

Broj: 19-214 /25  
Zenica, 23.05.2025. godine

## **STRUČNA SLUŽBA GRADSKOG VIJEĆA**

**PREDMET:** Izvještaj o poslovanju JP "Vodovod i kanalizacija" d.o.o. Zenica za 2024. godinu

Sektor za javna preduzeća i javne ustanove u ime Osnivača razmotrio je Izvještaj o poslovanju JP "ViK" d.o.o. Zenica za 2024. godinu sa pripadajućim setom izvještaja i konstatuje sljedeće:

U 2024. godini JP "ViK" d.o.o. Zenica je zastupao direktor Emir Pašalić, dipl. ing. građ., dok su funkciju Nadzornog odbora obavljali Emir Korlat, Muamer Arnautović i Jasminka Biogradlija.

Osnovna djelatnost JP „ViK“ d.o.o. Zenica jeste proizvodnja i distribucija pitke vode (prikupljanje, prečišćavanje i distribucija) i odvodnja otpadnih voda. Preduzeće također vrši proizvodnju i distribuciju električne energije korištenjem vode za piće iz javnog vodovodnog sistema (mini hidroelektrana nominalne snage 485 kW).

Izvještajni period okarakterisala je još uvijek prisutna inflacija, prigušeni ekonomski rast, nepovoljne poslovne aktivnosti uzrokovane prethodnim krizama vezanim za rat u Ukrajini, kao i izuzetno toplo ljeto 2024. godine s najvišim ikada zabilježenim temperaturama i veoma dugim periodima bez padavina koje je uzrokovalo drastično smanjenje izdašnosti svih izvorišta pitke vode pa tako i izvorišta sa kojih se vodom snadbijevaju potrošači u Zenici. Bez obzira na navedeno, Preduzeće je u 2024. godini pravovremenim reagovanjem, zalaganjem uspješno reagovalo na sve izazove, uredno izmirilo sve obaveze iz redovnog poslovanja, sve dospjele kreditne obaveze i ostvarilo pozitivan poslovni rezultat. Zahvaljujući svakodnevnim naporima radnika i stručnog osoblja uspjelo je održati i stabilno i uredno vodosnadbijevanje za sve potrošače bez ijednog dana redukcije.

Vodosnadbijevanje Grada Zenica se vrši s tri izvorišta (Kruščica, Strmešnjak i Klopče), te jednog otvorenog vodozahvata (Babina rijeka).

Redovna kontrola vode za piće vrši se u laboratoriju Preduzeća, dok dodatnu kontrolu u skladu sa važećim zakonskim propisima vrši akreditovana eksterna laboratorija.

Zahvaljujući ulaganjima u unapređenje sistema i kontinuiranom i stručnom radu evidentirani gubici vode u 2024. godini iznose 1.806.011m<sup>3</sup> odnosno 25,85% od ukupne količine zahvaćene vode, što je najbolji rezultat Preduzeća u historiji.

Preduzeće vrši redovnu mikrobiološku i hemijsku analizu nehlorisane i hlorisane vode, te je broj izvršenih kontrola znatno iznad minimuma koji je propisan Pravilnikom o ispravnosti vode za piće (kontrolisano ukupno 5.210 uzoraka vode i svi uzorci hlorisane vode su bili 100% ispravni).

Postojeća kanalizaciona mreža u Zenici kojom upravlja Preduzeće pokriva veći dio užeg gradskog područja i neka prigradska naselja tj. ukupno 26 mjesnih zajednica i u toku 2024. godine izvršeno je 1.175 intervencija na fekalnoj kanalizaciji.

U strukturi potrošnje vode najveći su potrošači domaćinstva, koji su utrošili 75,14% ukupno isporučene vode iz javnog vodovoda, a što je u poređenju s 2023. godinom povećanje potrošnje za 3,5%.

U toku 2024. godini došlo je povećanja broja izdatih računa, broja priključaka i broja aktivnih potrošača kako za kategoriju privrede tako i za kategoriju domaćinstava.

U izvještajnom periodu povećan je broj priključaka za domaćinstava (211) i za pravna (82) u odnosu na prethodnu godinu.

Na dan 31.12.2024. godine Preduzeće je imalo 174 zaposlena radnika i prosječna neto plata je iznosila 1.418,82 KM.

Ukupna potraživanja od kupaca na dan 31.12.2024. godine iznose 10.568.315,68 KM (8.699.958,44 KM sumnjiva i sporna potraživanja, te 1.868.357,24 KM redovna potraživanja).

Ukupan stepen naplate redovnih potraživanja za period 01.01.2024. - 31.12.2024. godine je preko 94,64%, dok je ukupan stepen naplate preko 98,43%.

Ukupne dugoročne i kratkoročne obaveze Preduzeća na dan 31.12.2024. godine iznose 7.186.480,73 KM, i to:

- Dugoročne obaveze 1.622.472,96 KM
- Kratkoročne obaveze 5.564.007,77 KM

Preduzeće uredno i blagovremeno izmiruje sve svoje dospjele obaveze obaveze po pitanju plaćanja koncesija, poreza, taksi dobavljača, plaća, doprinosa i dr.

Stanje novčanih sredstava na žiro računima i blagajni na dan 31.12.2024. godine iznosi 2.370.733 KM, dok su u komercijalnim bankama oročena novčana sredstva u iznosu 4.000.000 KM.

Preduzeće je u 2024. godini ostvarilo prihode u iznosu od 11.517.394,12 KM, što je za 14,98% više (1.500.236,46 KM) u odnosu na isti period prošle godine. Najveći uticaj na povećanje ostvarenih prihoda je imala prilagodba tarifa osnovnih usluga Preduzeća, koja je 01.01.2024. godine stupila na snagu na osnovu Odluke o povećanju cijena od 02.11.2021. godine. Ukupni prihodi su za 3,37% manji (402.195,88 KM) u odnosu na planirane ukupne prihode za 2024. godinu i to zbog manje ostvarenog prihoda od prodaje vode za kategoriju privrede i povlaštenih potrošača, usljed manje količine fakturisane vode. Na manje ostvarenje planiranih prihoda negativno su uticali, između ostalog, i manje ostvareni tekući prihodi, te manje ostvareni prihodi od naplaćenih sumnjivih i spornih potraživanja za privredu i domaćinstva.

Značajan iznos ostalih prihoda Preduzeće ostvaruje prodajom električne energije koju proizvodi na vlastitoj mini hidroelektrani Čajdraš, čiji rad direktno zavisi od izdašnosti izvorišta Kruščica i samog stanja na izvorištu. Ostvareni prihodi od prodaje električne energije u 2024. godini evidentirani su u iznosu od 362.550,58 KM i skoro pa su jednaki ostvarenim prihodima u 2023. godini (364.779,63 KM) i isti su manji za 19,43% u odnosu na planirane prihode u 2024. godini.

Ukupni rashodi Preduzeća u 2024. godini iznosili su 10.716.889,25 KM i za 18,29% su veći nego na rashode ostvarene u 2023. godini. Najznačajnija stavka u okviru rashoda jesu plaće radnika (bruto 4.906.507,75 KM, što čini 45,78% ukupnih rashoda poslovanja).

Preduzeće je ostvarilo pozitivan finansijski rezultat tj. bruto dobit u iznosu 800.504,87 KM odnosno neto dobit u iznosu 742.417,13 KM.

U izvještajnom periodu Preduzeće je izvršilo investiciona ulaganja u iznosu 7.074.238,53 KM, od čega 1.657.835,67 KM iz vlastitih sredstava, 5.159.194,03 KM Grant KFW i SECO, 250.676,12 KM iz donacija Grada Zenica, 4.552 KM iz KFW kredita i 1.980,52 KM vrijednosti doniranog materijala SECO granta. Najznačajnije investicije realizovane vlastitim sredstvima Preduzeća u 2024. godini su: izgradnja vodovodnog sistema za naselje Pridražići, izgradnja vodovodne linije i fekalnog kolektora u ulici Potok, rekonstrukcija vodovodne mreže u Visočkoj ulici, desetogodišnji remont mini hidroelektrane Čajdraš, izgradnja prve faze kolektora Bojin vir - Raspotočje - Drivuša, te su nastavljenje aktivnosti na realizaciji projekta „Sakupljanje i tretman otpadnih voda grada Zenice“ ali u znatno manjem obimu.

Nadzorni odbor je u toku 2024. godine održao 7 redovnih sjednica, dok vanredne sjednice nisu održavane. Ocijenili su da je direktor vodio Preduzeće profesionalno i uspješno, što je evidentno i kroz ostvareni poslovni rezultat. Odbor za reviziju je u istom periodu održao 12 redovnih sjednica.

Reviziju finansijskih izvještaja je obavilo Društvo za reviziju „Etic“ d.o.o. Zenica i isti daju objektivnan prikaz finansijskog položaja Preduzeća, finansijsku uspješnost, i novčane tokove za 2024. godinu, te su u skladu sa međunarodnim standardima finansijskog izvještavanja i računovodstvenim propisima koji se primjenjuju u FBiH.

Nadzorni odbor i Odbor za reviziju su svojim odlukama usvojili Izvještaj o poslovanju, te Izvještaj o reviziji finansijskih izvještaja JP ViK d.o.o. Zenica za 2024. godinu.

Služba za vodoprivredu, putnu infrastrukturu i mjesne zajednice, kao resorna služba, aktom broj: 09-19-10572/25 T.M. od 20.05.2025. godine je dala svoj osvrt na Izvještaj o poslovanju Preduzeća za 2024. godinu.

Sektor za javna preduzeća i javne ustanove dostavlja Izvještaj o poslovanju JP „Vodovod i kanalizacija“ d.o.o. Zenica za 2024. godinu, sa pratećim izvještajima, Gradskom vijeću na dalje razmatranje i odlučivanje.

#### PRILOZI:

1. Izvještaj o poslovanju JP „ViK“ d.o.o. Zenica za 2024. godinu, sa Prijedlogom Odluke Nadzornog odbora o usvajanju i Zaključkom Odbora za reviziju o razmatranju istih,
2. Izvještaj Nezavisnog revizora za godinu koja je završila 31.12.2024. godine sa Zaključkom Nadzornog odbora o prihvatanju istog,
3. Izvještaj o radu Nadzornog odbora JP „ViK“ d.o.o. Zenica za 2024. godinu, sa ocjenom stanja u preduzeću i ocjenom direktora preduzeća i Zaključak NO o utvrđivanju istog,
4. Izvještaj o radu Odbora za reviziju JP „ViK“ d.o.o. Zenica za 2024. godinu.

S poštovanjem,

#### DOSTAVLJENO:

1x Naslov  
1x a/a



Šefica sektora za JP i JU  
po ovlaštenju  
Berina Halilović-Mehić